

# 安南縣鄉土志

## 複製說明

安南縣鄉土志，全書計三編，易輔上編輯，宣統元年刊，敘事止于清光緒三十年，今據北京圖書館藏鈔本複製。在複製中除改正了一些明顯的錯字外，並據雍正九年何天衢、郭士修纂修之安南縣志及嘉慶間周叙彝纂的安南縣志校正了一些錯誤，舉凡校正之字均列入校字表附于書末，其他悉照原鈔本。在複製過程中承北京圖書館熱情支持，謹此致謝。

貴州省圖書館

一九六四年八月

安南縣鄉土志序

國家為鄉土之集體鄉土猶國家之細胞欲引起兒童之愛國心必自讀鄉土志始安南古為南徼外蠻夷地自常額略通五尺道唐蒙風諭夜郎侯始稍覩漢宮威儀歷代屢費經營大都姑與羈縻明治為衛土流並治貽惠養癰我朝改衛設縣則事權一創立學校則文化開安南為之一變矣歲丁未予來治是邦值

朝廷興學徵各小學編鄉土志而邑紳易心澄著安南鄉土志適成凡是邦之沿革風俗人物

安南縣鄉土志

種類山脈水道形勢位置物產古蹟交通諸要政無不井然秩然補一邑縣志之缺起後學入勝之階使讀者由愛鄉土之心擴而及於國家誠佳構也方今英踞緬甸法窺越南滇黔門戶狡焉思逞安南達滇粵之聲援亦生斯土者所宜究心也然則是書成豈區區小學教科已哉大清宣統元年十月十五日善化楊詠裳撰

例言

一是書係遵照 部頒鄉土志例自編纂故從畧欲詳則在將來縣志之成

一是書為初等小學五年之用分為三編第一編志歷史第二編志地理第三編志格致

一安南縣志及興義府志率皆闕畧僅從斷簡殘篇中搜出參以己意編成是書故於正文後附以引證以資參考

一是書成於倉猝錯謬之處知所不免有同志者幸匡正焉

安南縣鄉土志

安南易輔上編輯

第一編 鄉土歷史

一 總論

縣城包羅九山狀似蓮瓣一名蓮城

二 沿革

安南縣地三代夏商之時未入版圖

漢設談指漏江等縣隸牂柯郡繼又設賁古縣

隸益州郡

雲南通志云談指即今安南談指不津江有

瘴氣 學藝齋集云漏江即今普安安南之

安南縣鄉土志

三

拖長江乃北盤江上流也 卷菴閣集云今

普安安南即漢奔古縣地漢書注賁音奔

按漢元鼎年間設談指漏江等縣元封年間

設賁古縣此三縣地均錯雜於今安南普安

貞豐三州縣之間蓋古地紛更改移故多犬

牙相錯耳

蜀漢丞相諸葛亮南征廢漏江縣析牂柯郡地

置興古郡改賁古縣隸之

蜀志建興元年牂柯太守朱褒反武侯平之

三年分其地置興古郡而漏江廢故蜀志及

三國疆域志皆無漏江

晉復置漏江縣改隸建寧郡繼又析牂柯郡地置夜郎郡領縣二談指其一

府志云先是晉懷帝永嘉五年王遜為甯州州刺史時牂柯太守猛才驕暴為郡民逐遜平難請析其地置夜郎郡愍帝建興元年從之按夜郎郡領縣二曰談指曰夜郎

梁陳及隋為蠻蠻所據

蠻蠻楚令尹子文之後劉宋時有蠻龍顏者封印都縣侯齊時諸蠻日強數反梁承聖中

安南縣鄉土志

四

蠻蠻遂據今郡地瓚卒子震及翫立分為東蠻西蠻西蠻據滇地東蠻據今興義府及各縣地

唐遙置西平州以羈縻之旋改盤州天寶中烏蠻仍據盤州地號于矢部已而蠻蠻阿宋逐諸部亦號于矢部

高祖武德四年遙置西平州西平名者以其西為漢之平夷縣也今興義縣猶與平夷接壤貞觀八年改西平州為盤州按唐之盤州有二一貞觀八年改置即此盤州

見唐書地理志一

咸亨三年因昆明內附置非今境地見唐書南蠻傳

或云本境唐為東南縣以北盤江南來經此

而入南盤江故名江流至此又名安流河後

人合安流南來之名名曰安南今考唐之南

來縣隸刺州九域志作南來唐書作東南非今境地天

寶中南詔叛東襲烏蠻以盤州及附唐今與義隸

盤水今普安縣二縣叛附之號于矢部而盤州及

二縣遂廢

五代至宋安南之南為羅甸地東西北仍為于

矢部

安南縣鄉土志

識畧以興義縣為于矢部考宋時今府親轄

地及興義普安兩縣為于矢部安南縣境則

介乎于矢羅甸之間元世祖至元十六年羅

甸為馬平龍氏所滅國亡

元世祖興于矢部附于元元置于矢萬戶府後

改為普安路總管府隸雲南

宋度宗咸淳六年即元世祖至元七年是年

于矢部附於元元置于矢萬戶府在今普安

廳治東州里八部山下兼有興義府親轄地

及興義普安安南等處地十六年宋亡元改

普安招討使司為宣撫使司二十二年罷仍  
改為普安路總管府

明設尾灑衛尾灑驛尾灑站尾灑堡及尾灑遞  
運所尋廢繼又設安南衛治江西坡隸貴州都  
司卒遷於尾灑堡即今安南縣是也

府志洪武十五年正月設普安衛又設尾灑  
衛十七年置尾灑驛領馬乃阿計安遠三營  
地及必黑南俄大定上達下達五寨地二十  
年置尾灑遞運所二十一年置尾灑站尾灑  
堡二十三年置安南衛治江西坡設指揮使

安南縣鄉土志

六

及僉事同知鎮撫經歷等官領前後中左右  
五所所置千戶百戶隸貴州都司二十五年  
遷衛於尾灑堡築衛城即今縣城是

萬曆四年移永寧州知州駐安南終明之世因  
之

安南志云天啟中薛三桂為永寧州知州駐  
安南安邦彥叛死難貴州通志云崇禎中曾  
異撰為永寧州知州移轄安南流寇圍安南  
城陷死難

國朝康熙二十六年改安南衛為安南縣隸安

順府雍正五年改隸南龍府嘉慶二年隸興義府

康熙二十六年從總督范承勳請改衛為縣  
疏云安南衛在大道管理驛站應改為縣即  
名安南縣裁去守備千總各一員改設知縣  
典史各一員裁去教授一員改設訓導一員  
仍隸安順府所轄雍正五年總督鄂爾泰會  
題升置南龍府撥安南縣屬焉又割縣屬之  
會昌里董家旗隸趙二屯李家屯尾灑村之  
左屯新置永豐州

即員豐州

嘉慶元年苗反次年

安南縣鄉土志

七

平之 純皇帝改南龍為興義並有詩以美之

三政績

明朱家民

字同人雲南曲靖舉人天啟二年官安普監軍副使安普者安南普安二

衛也

安普酋叛大小百戰身先士卒開關荆榛

直抵盤江江居滇黔之界水深無際渡者每罹不測公設法鑄鐵成索以渡之如履平地

李隆萼

字邵青湖南人咸豐六年任安南知縣歷置興義府知府有政績

循吏

也到任後盡察奸宄夜訪盜賊場期則身衣敗絮與剪綰為伍佯為分肥暗察行徑已而按名



捉拏無一逃者

楊穀成

字子琛江西德興縣人光緒十八年官安南縣知縣

有聽訟才

事無大小凡呼訴者隨時隨地皆立為判決之而又嚴懲書役以除民害豁免丁糧以恤民艱在任二年幾有刑措之象去後人多思之至今口碑猶存

朱雲光

字鏡堂平越人光緒十年官安南縣教諭

長安南蓮城書院

時兵燹後文風不振公大開絳帳一時之遊門牆者濟濟多士咸成材云

#### 四兵事

### 安南縣鄉土志

八

明洪武中傅帥

友德

沐國公

英奉命征滇時元梁

王命將扼守盤江

在縣城東四十里

明師百萬死傷狼

藉

見貴州通志

弘治十一年普安米魯亂圍攻我城

時有鄧將軍

龍子

駐兵安南賊因不敢下窺會大

兵征勦殺米魯及脅從賊平

米魯土判官隆暢之繼妻孺益士知州安民

之女以忤暢被出歸安民家與營長阿保通

其前妻之子者禮亦蒸之暢覺殺者禮攻阿

保寨米魯與阿保據寨反

見興義府志

天啟二年水西安坤之叛也勢甚猖獗全省動

樓已而朱家民豎軍安普興參將許成名等討平之乃造盤江鐵索橋相要害並築十一城今十一城江西坡之有嘉城阿計營之石基城在普安縣境板橋海子馬場亦資孔四城在盤州廳境歸集城在水城廳境頂站城在永甯州境惟盤江之連雲城尾洒之維藩城定頭之定邊城則在本境

國朝順治四年流賊孫可望亂過安南屠城永甯州知州曾異撰死之見前

康熙時吳世蕃

孫三桂

由湖南奔旋佔踞安南

即今

安南縣鄉土志

九

都司衛署

我軍數十萬攻討年餘未克奏績後

世蕃行營

寶箕營土司繞道捷圍吳兵始退

見貴州通志

嘉慶元年興郡苗變圍攻安南時將卒調征銅仁苗失南門外城知縣范來泰率守兵擊走之

圍解

見興義府志

咸豐四年巴林涂令恒李陵春反時太平日久人不知兵知縣朱佑賢自縊死城陷

咸豐九年普安大河堡獨匪作亂屢攻我未克

同治元年興義普安貞豐諸城皆失守賊以全力來攻兼有劉春山張主保內應城陷計自同

治元年起至末年止蹂躪十餘次而元氣剝喪矣

五耆舊

明王守謙家貧貿易以養父母甘旨罔缺父卒母病扶掖不離左右萬曆三十年提學表其門曰純孝

宋諱明生員父卒於京扶柩歸葬哀感路人

宋子忠明生員性至孝應貢以遠親辭不就母

王氏年九十三年子忠年七十七定省不衰

梁九錫明人幼孤以保薦授主簿不忍離其母

安南縣鄉土志

十

辭之

王潤明人父卒於京母遺腹生幼有至性孝養

其母母病祈天願以身代已而病愈居數年母

卒哀毀特至有司屢加獎異年九十而卒

張大志明拔貢生性誠篤事寡母溫席侍膳無

遺左右母卒寢苦枕塊哀禮備至

張一熊明末貢生親老除官不就母卒泣墓幾

喪明事父益不離左右丁亥與父同死於孫可

望之亂

宋懋功明末貢生少孤事母鄧氏以孝聞可望

亂愬功負母逃為賊獲死之

鄭殿魁康熙貢生家貧授徒於家以養其親恆負薪汲水親炊以進甘旨父母卒廬墓三年

武興周康熙貢生剛方篤實養親辭選

周士榮道光已酉拔貢應順天鄉試以薦卷挑取騰錄或告以其父念之即歸父卒哀毀盡禮其弱冠為塾師時又有拒奔女之事

龍英贊生二歲父卒母嫁英贊依之已而母隨後夫之邵陽英贊思之如是者三十年卒至邵陽母已卒矣英贊負骨歸葬之本邑

安南縣鄉土志

士

王世泰雍正元年以歲貢舉孝廉方正

易時熙乾隆舉人幼時性至孝及長隨父母遷居興郡而尤以孝聞焉官至井陘知縣

郭士信雍正貢生與知縣曾紀常同撰邑志旋奉詔州縣舉端士為鄉正知縣何天衢舉士信及王在鎬以應之

易開第道光拔貢生平正直常為親族所信仰

回匪之亂向永寧逃隨行者數百人至盤江橋門已閉在橋下二十餘日同行者不忍去公作

絕交書與楊聚垣

安南教諭

辛輝堂

安南典史

有寧赴江

流葬於魚腹之語州主李西樵見之曰吾幾誤  
害忠義士也遂率卒接公過河公力保隨行者  
同去朝方渡盡聞賊夜逆襲橋云以上優於事  
汪克昌明萬曆舉人沉酣詩文不就銓選自號  
雙清漁隱常撰學田記見學志人以為比美歐曾  
張聯斗明貢生容止端嚴從容敬畏文章爾雅  
以宿儒教於鄉

王明新明貢生成都知縣王印濬之後學有淵  
源文行雙美

胡景南字向明性穎悟幼貧無力從師康熙中

安南縣鄉土志

十三

教授周廷高講學向明竊聽得旨後經學深邃  
兼工詩文士林重之

吳君爵康熙中副貢性靈和不立崖岸詩古文  
辭力追先正為有識所賞官清平教諭升貴陽  
教授巡撫何士基常禮異之

楊潮康熙舉人性篤實以孝友教行聞工詩文  
著有鳳凰山亭詩集

張袞康熙生員性肅邁工詩賦善草書筆法奇  
逸得張長史之髓

郭士萱雍正廩生當貢不應以經史傳授於家

尤明性理南華諸書嘗著聖諭十六條頌言  
劉芳遠生員早孤善屬文工詩性恬退不應舉  
著有進思堂詩集雍正中梓行於世

易榮勳光緒乙酉拔貢性誠篤工詩文以宿儒  
教於鄉多所造就著有鳳山詩集文集賦集三  
編士林重之以上優於文學者

梁海淮寧人官安南衛指揮使洪武二十一年  
海領軍開衛建衛治城署皆其經畫

王威臨淮人安侯王志之子也洪武中襲侯爵  
後降安南衛指揮使旋調普安衛指揮使築城

安南縣鄉土志

建署有經畫才

杜純南充人官安南衛教授學問淵博手裁峻  
整主書院講席善教多士著有三試集

封良弼貴陽人萬曆中官安南訓導才學宏富  
多所造就

程璧休寧人官安南衛守備兵燹後軍民皆未  
復業璧存卹招徠不遺餘力

張文旂陝西人監生康熙二十六年官安南知  
縣時初改為縣百為草創文旂悉心規畫事事  
合宜己而招集散亡開墾草萊縣中漸以殷繁

民苦食滇鹽文游屢陳大吏改食川鹽  
曾紀常監利人雍正中以教諭保舉知縣蒞官  
一年多惠政士民懷之旋被議代者為資池何  
天衢欽其學留之三年請撰邑志紀常乃與教  
諭劉鎧訓導汪毓麟邑士郭士信吳謹共撰書  
成凡四卷已而大吏聘紀常勸修貴州通志蓋  
天衢薦之也

張世昌灤城人乾隆五十九年官安南知縣惠  
愛士民振興文教

范來泰浙江人嘉慶初署安南知縣二年苗變

安南縣鄉土志

古

賊至南門外焚民居來泰率守兵燃烏機砲擊  
定之時正月二十六日也

魏鈞通州人進士嘉慶十五年到任建義學三  
延良師訓誨嚴立課程特與諸生講說經義復  
勸民種樹民享其利多矣

朱壽桂字竹雁宛平舉人道光十三年到任性  
慈祥多惠政又詩文富著述所撰有評漫子一  
卷文鈔一卷駢體文一卷詩鈔二卷刊行於世  
李振望黃岡人道光十三年署特年饑賑恤有  
法全活無算鳳凰山寺僧犯法逐之以寺田為

建書院費

張士瑛金谿人道光十三年署建蓮城書院  
尹思敬丹徒人道光十七年署建南北兩義學  
善弭盜邑賴以安

婁鎔大興人道光二十年署修書院善聽訟民  
情悅服

李西樵同治中官永甯知州兼攝安南縣事安  
民殺賊頗著大功卒遇賊害死於安姑坡以上  
八名宦者

姚餘明洪武中官安南衛鎮撫時寇亂隨西平

安南縣鄉土志

五

侯沐英勦之奮勇擊賊屢立戰功後追賊至盤  
江力戰死之

宋鉞蘄州人世襲安南衛指揮永樂中征交趾  
戰沒

薛三桂直隸人永甯知州天啟中移駐安南時  
歲饑民多自食子女公設法賑之全活無數尋  
安邦彥叛三桂率民兵力戰死之葬於東門塘  
咸豐中知縣某勒石砌墓其塚尚存

曾異撰四川榮昌舉人永甯知州崇禎中孫可  
望由黔之滇犯安南公與賊戰於盤江兵敗自



焚死賊屠城越三日沙營土司陳朝士收其骨  
與同殉難之學博黃士正兵部主司陳公諸骸  
骨瘞東門外後邑人改葬獨秀山麓之丁家園  
今塚尚存乾隆中賜諡烈愍

尋治本定遠人尋遠之後也官安南衛同知崇  
禎中襲職征毛口戰沒

余維敬四川人官安南衛鎮撫與尋治本同殉  
難

李華純官安南營把總嘉慶二年從總督勒保  
擊犛苗於永甯州之關嶺力戰死之

安南縣鄉土志

尋鼎官安南衛掌印指揮與曾異撰同殉難  
馬永泰安南武舉官古州把總嘉慶五年征回  
川妖賊戰沒

朱佑賢咸豐四年城陷自縊

見前以上入昭忠者

張濬明正德丁卯舉人官福州府推官決獄平  
恕不阿上官有骨鯁風

楊相明嘉靖貢生律已端方遊成均能以義激  
台省歷官丹徒知縣年老辭官益敦氣節

張志臯字汝諧明隆慶辛未進士萬歷初官昆  
明知縣才氣恢宏鋒棱不露事上治民聲稱藉

甚

梁森明嘉靖進士官遜寧知縣升知州有政績  
王印澹明崇禎舉人官成都知縣

鄭廷烈雍正進士官雲南知縣

李梅雍正中進士官工部主事

吳視乾隆中進士官梓潼知縣

楊嗣煊嘉慶癸卯拔貢官貴筑教諭

郭士佺雍正優貢官台州同知以上入鄉賢者

宋氏指揮蕭律妻律卒誓不再嫁撫孤叢承蔭

未幾叢卒復撫孫時中移居墓前備嘗艱險壽

安南縣鄉土志

十七

八十九明隆慶四年御史蔡廷臣題旌

楊氏年十六歸百戶李遵諫夫被逐依母氏一

十二年夫悔悟復迎歸僅二載生子棟遵卒楊

紡績度日撫棟承襲年踰七十明萬曆御史楊

允中題旌

唐氏何俊妻夫亡時年方少艾父母舅姑欲奪

其志辭曰人之異於禽獸者以其知廉耻有操

守耳吾寧死決不再事他人苦節終身事聞旌

表

王氏指揮梁冠妻冠卒王年十七守節四十餘

年奉旌

宋王氏維垣妻年二十夫亡宋矢志守節孝養舅姑撫遺子成立巡撫薛繼茂旌之

蕭氏陶汝龍妻年二十九夫故誓死靡他教子九苞成名歷官州牧巡撫劉士正胡平運表其門復以米帛優獎之

宋氏庠生陳應岳妻岳卒宋年十九哭泣喪明甘貧守節終養舅姑歷年六十餘清操無玷巡撫劉士正胡平運獎之

明宋氏浙江金華人學士景濂先生族也適衢

安南縣鄉土志

六

州進士守閩中以他累死獄中母妻編戍金齒宋奉姑挈子以行過盤江題詩郵壁行者悲之

至是遂不可考

事見安順府志興義府志

吳氏明百戶黃權妻 己旌

張氏明王學妻 己旌

吳氏生員郭應洪妻洪卒於滇吳年十九盡鬻嫁奩泣請夫兄搬柩歸葬有豪家逼娶吳鑿齒以拒之事緣翁盡孝撫未週子仕信成立為明

經

武氏庠生吳讓之妻年二十二夫亡遺二子觀

觀尚幼又遺腹生子觀家貧茹荼或欲奪其志氏奔避外家連遭歲歉其守益堅教三子皆遊庠以上二人康熙五十二年巡撫劉蔭題旌  
王氏年十八歸趙應魁極貧夫為營卒氏績紵以奉舅姑舅病噎王易酥粉以給膳養及夫故王年二十九守節撫三子事舅姑益孝苦節三十餘年

蔡氏鄭廷試妻年二十二于歸二十八夫亡遺二子俱幼有勸之嫁者輒正色拒之日攜二子採荼充腹親戚或憐而周之固却不受苦節三

安南縣鄉土志

十九

十餘年以上二人雍正四年巡撫何士基題旌  
張氏庠生吳君輔妻年二十八夫亡矢志守節代夫孝養二親教二子讓謙俱為諸生未幾讓卒偕媳武氏撫孫成立至七十七歲壽終雍正七年巡撫張廣泗題旌

王氏雍正時人趙應魁妻 未詳

吳氏雍正生員鄭儁妻 未詳

鄧氏雍正時人唐朝珍妻 未詳

左氏雍正時人鄧文龍妻 未詳

郭氏乾隆生員陳光照妻家貧苦節紡績以養

病姑孝事終身十四年旌有坊在安姑  
劉氏乾隆時人龍武勳妻二十四年旌

鄧氏道光時人李有棟妻十三年旌有坊在水  
橋

田氏道光時人易在汝妻 以下未旌

龍氏易聖訓妻

謝氏營卒李春墀妻

楊氏穆宗夔妻

盧氏薛大科妻守節六十年

李氏何文萃妻家貧紡績自給守節五十五年

安南縣鄉土志

二十

胡氏生員羅國瑞妻家無擔石女紅度日茹藥

撫孤守節五十二年

李氏吳棟妻守節四十九年

何氏羅周書妻守節四十七年

康氏武植妻撫子守節四十七年

馮氏生員吳國器妻孝事翁姑守節四十六年

曾氏周位封妻守節四十六年

梁氏趙廷佐妻撫遺腹子飲冰茹藥守節四十

五年

李氏劉光中妻家赤貧撫遺腹子守節四十四

年

李氏生員毛煥清妻紡績守節四十三年

龔氏吳占魁妻守節四十三年

王氏劉振德妻撫孤成立守節四十二年

袁氏劉朝儀妻撫嗣子成立入庠守節三十五年

年

趙氏陳光燦妻孝姑撫子明典入庠守節三十

四年

陳氏黃金璧妻孝事翁姑守節二十五年

陳氏蔡洪祥妻撫孤守節子亡又撫孫成立守

安南縣鄉土志

圭

節五十餘年

張氏羅日吉妻孝舅姑撫二歲孤子景春入庠

守節五十餘年

張氏鄭槐之妻家貧躬紡績理園圃以自給守

節四十餘年

吳氏張槐妻撫遺腹子紡績自給守節四十餘

年

陳氏曠朝麟妻撫一歲孤守節三十年

阮氏郭埋妻守節三十餘年

楊氏吳朝階妻守節十餘年

鄧氏李誘妻孝舅姑訓子女有節得賢母稱守節二十餘年

王氏唐廷標妻撫一歲孤守節三十餘年

陳氏李德昌妻孝翁姑撫嗣子守節二十餘年

梁氏楊棟樑妻笄笄子立歸母家茹藥撫孤守節二十餘年

節二十餘年

唐氏謝克昌妻家貧紡績自給守節二十餘年

唐氏張朝綱妻母巴林人年九十撫孤成立學

使黃統表其門

吳氏陳明觀妻守節二十餘年

安南縣鄉土志

圭

熊氏張如柏妻二十一歲撫孤成立守節二十

一年咸豐三年學使黃統表其門曰安節延暉

郭氏舒國芳妻守節五十餘年

馮氏倪世安妻守節三十餘年光緒三十年御

史陳田題旌 以上入節孝者

王大鳳王某之女咸豐十一年緇匪之亂自縊

死

李妹李了頭之女同治元年失城遇難

以上入烈女者

六人類

本境人類除漢族外有苗僮侬芒仲家蔡家各

種大約漢族居十分之三各種居十分之七  
漢族由前明徵調而來前此未有也其後遂以  
北方人移居於此為殖民地焉

苗人世系多不可考各以衣服別其種類  
衣花衣者曰花苗在犁頭寨男以青布裹頭婦  
人飲馬鬃尾雜髮為髻大如斗籠以木梳裹服  
先用蜡繪花於布而後染之故曰花苗其別種  
有喇巴苗居長牛六甲

衣白衣者曰白苗在付郭南山男子科頭赤足  
婦人盤髻長簪孟春合男女於野為跳月戲男

安南縣鄉土志

吹簾笙女振髻鈴比曉乃散

衣黑衣者曰黑苗在者蜡婦人頭管長簪耳垂  
大環項帶銀圈男女皆跣足陟崗蠻躡荆棘捷  
如猿猴男子中猶有蓄髮不剃者此其特性其  
別種為高坡苗山苗

獮獮有黑白二種本名鹿鹿在安仁里多黑種  
黑種亦曰烏蠻俗尚鬼又曰羅鬼蜀漢時有濟  
火者從丞相破孟獲有功封羅甸國王後為土  
目獮獮之俗愚而戀主其人深目長身黑面白  
齒昔常為患今歸王化矣



猺人男女皆以幅布圍腰蓋卽武王時髦人也  
後為諸蠻所役各以其役屬者為僕老其猺人  
則謂之主猺其後主猺謚為獬猺僕猺謚為木  
猺在今縣屬獬猺寨者邑人咸呼之曰獬猺  
獬家有里民子衣尚青又曰穿青在泛羅冲婦  
人髻管長簪耳垂大環男子尚知禮義亦有讀  
書入泮者

种家四鄉皆有其種有三一曰補龍一曰卞尤  
一曰青种有姓字好樓居衣尚青以帕束首婦  
人長裾細褶多至二十餘幅拖腰以綵布一幅

安南縣鄉土志

五

若綬仍以青布一幅襲之男耕女織尤有古風  
五代時馮希範遣兵戍南寧因命之世守其地  
其部衆欲自異於諸蠻遂以主帥之姓為號名  
曰仲家今謚為种家

蔡家卽蔡人春秋時為楚子所俘在白家塘男  
子製氊為衣婦人以氊為髻飾以青布若牛角  
狀用長簪綰之短衣長裾以耕為業喪禮殺牛  
宰牲羣聚跳舞名曰作憂

七戶口

本境地廣人稀據今調查之數約有一萬八千

二百六十一戶九萬一千三百零五口

### 八氏族

本境氏族或係土人或係前明征調來者族類不一其氏族不可考

### 九宗教

宗教有四曰佛曰道曰天主其入教者概係漢族回教約百餘人天主教約二百人佛教約三百餘人道教不過數十人而已

### 十實業

本境居民無職業者占最大多數大概百人之

### 安南縣鄉土志

三

中士居其一農居二十工居其三商居其六足矣無怪貧瘠如此

第二編 鄉土地理

一 位置

西南距興義府治二百三十里東北距省城四百八十里西距雲南府總督治六百六十里北距京師八千四十里

二 境界

東西相距九十里南北相距一百六十里東至永甯州界江盤四十里西至普安縣界水橋五十里南至普安縣界上章六十里北至水城廳界波一百里東南至貞豐州界相百八十里西南

安南縣鄉土志

三六

至普安縣界武高九十里東北至永甯州界江小盤三十里西北至盤州廳界新四十五里

三 區域

在昔縣地里編為六曰新化安仁濬德會昌興仁興讓營分為三曰馬乃阿計安逸三營地設普安縣故今本境地僅有新安純會四里

雍正中改驛站於阿都以縣屬必黑南俄大定上達下達五寨地掉普安廳之長牛六甲付入新化里

新化里在附縣一帶分為十甲以一二三四五六七八九十字別之

安仁里在縣城東南分為八甲以上三下五字別之

瀆德里在縣城南分為上中下三股

會昌里在縣城西南亦分為上中下三股

#### 四建築

縣城即明衛城指揮梁海建門四月城四東曰承恩西曰振遠南曰永通北曰長壽

官立兩等小學堂在西門內光緒丙午年將蓮

安南縣鄉土志

五

城書院改修

蠶桑小學堂戊申年立付設在城隍廟內

巴林公立兩等小學堂丁未年立

龍場公立兩等小學堂丙午年立

頭毛公立兩等小學堂戊申年立

計屯公立初等小學堂戊申年立

王家屯公立初等小學堂己酉年立

文廟在西門內光緒十一年知縣王懋祖重修

文昌宮在五屏山光緒戊戌年移於北門內天

馬山

武廟在南門外相傳廟基本深潭有蛟居之常為民害自建廟後而蛟無矣今大雨時伏聽神座下聲沸如雷可知傳者之有因也

城隍廟在西門內

馬王廟在水塘街

東嶽廟二郎廟元帝廟

即觀

東俱在東門外

孤老院五顯廟亦在東門外已毀

何公廟在北門內

玉皇閣嵐峯寺壽佛寺高貞觀

即南觀

俱在南門

外湧泉寺在城南里許鴉關下相傳漢將軍關

安南縣鄉土志

三

索人馬至此涸甚泉忽湧出成池明沐國公建寺於此故名

江西會館在南大街

海乳寺在瀉里之天鵝山

鳳凰寺在瀉里之耆蜡

永興寺在安里之小阿黑

圓融寺在安里之白得屯

楞嚴寺在安里之阿計屯

盤龍寺在會里之水橋

聖水寺在會里之定頭

大願寺在盤江西岸

天主堂二一在城西門內一在巴林河東街皆  
天主教人之禮拜堂光緒三十年建

諸葛營在城東一百八十里之坡者河相傳武  
侯屯兵于此

莫忙亭在南門外明總兵鄧子龍建久圯  
等棹亭在都司署側久圯

水蘭亭在水橋明永甯州知州陳聖佐建今毀

池心亭在雙清井今毀  
薛大元百歲坊在東門外

安南縣鄉土志

二十九

明指揮梁海墓在東門外尋治本墓在晴龍山  
詳名宦傳  
有碑

沐國公墓在南門外詳明史一  
統志有碑

永甯州知州薛三桂墓在東門塘曾異撰墓在  
獨秀山脚之丁家園詳名宦傳  
有碑

王瑞廷城隍廟碑嘉慶二十四年泐有文見  
安南志

郭子章明巡撫玉皇閣鑄像記明萬歷中泐有文  
見安

志南

王克昌安南三學田記明萬歷中泐有文見  
安南志

尾西驛碑明洪武中泐有文見  
安南志

明參政林喬南飲馬池碑四字曰甘泉聖跡  
國朝總督蔡毓榮又書四字泐石曰且以飲人  
巡撫黃國材撰文記事一碑見安志又宋方麓鵝  
關碑四大字曰雲陵山色程封又書四字刻于  
崖上曰鳥道千重此數碑記均在城南里許之  
雅闕下

欲飛石在文廟後方廣數丈明鄧子龍鐫欲飛  
二字于上畫寬尺許最有風神

雲裏金鰲碑在盤江聯云峻嶺不飛天外鴈鷺  
濤常吼地中雷又天塹驚虹碑亦在此明總督

安南縣鄉土志

三

范承勳題

七星石在北門內

達摩石像在盤江

石龍在盤江像巧匠鑿石模成形勢夭矯宛若  
生龍

石柱在盤江此古人仿伏波銅柱以紀橋功者  
今字多剝蝕不可讀

明孝婦宋氏碑在盤江鼓樓內學使韋祥撰

石香爐在龍翔山一名歪山

白果樹在東嶽廟前高十餘丈大數十圍遠而

望之蒼翠如蓋數百年物也

明閃繼迪十一城碑在縣東

見安南志

古刀在武廟重一百八十觔鐵色蒼古神威式  
憑歲之正月初二日邑人迎武聖像出巡肩古  
刀以先名曰迎刀會

小蘭亭碑明萬歷陳聖佐建在水橋

鐵索橋碑明天啟朱家民建在盤江

### 五形勝

本境僻處一隅居上游之形勝東有哈馬關南  
有老鷹卡西有西泌河北有小盤江居然天險

### 安南縣鄉土志

三

他如獅子口之陡斜楊柳井之險逼鴉翅勝之  
聳拔土地瘠之挺峭皆有一夫當關萬夫莫開  
之勢

### 六氣候

氣候寒冷有一雨便成冬之諺俗云無三惟盤  
江沿江一帶極熱多瘴滇黔紀功程云冷頂站

向

### 七山

山分三部曰城內曰付郭曰四境

城內曰天馬山在北玉屏山在南梁家坡欲飛



山七星石山在北後頭坡在東縣高山東門外

頭峯在北城東付郭曰獨秀山上建元帝觀牧馬

坡同治中譚元輔建碑於上龍翔山一名龜山俗

有洞常有雲霧時人多在其中禱雨

城南付郭曰玉枕山上建高貞觀五雲坡尾洒

山木魚坡金鐘山建玉皇閣磨盤山展諾山文

筆山

城北付郭曰飛鳳山

又城東五里有朝陽洞石隙流泉極為澄清三

十里有壁玉洞中有七竅皆通昔日回匪之亂

安南縣鄉土志

三

鄉人皆避賊於此

城西二里有純陽洞俗名粗

城南二里有天門洞東有老馬洞與之通

城西付郭有晴雲山本境之最大山也高約三

千餘尺由江西坡之老道山發脈分為三支

一由磨石崗迤邐西行直抵西泌河

一由玉屏山蜿蜒東行十里至龍翔山四十里

至硬壘巴崗諸山直抵小盤江

一由鴉關繞出高坡馬寨魏家壘綿亘數十里

至盤江之濱

又城南七十里有天鵝山八十里有斷山其山石若峭壁一徑中通若斷若續山巔有池四旁皆下一百二十里有鳳凰山皆自鴉關下分支者也

### 八水

水之大者曰北盤江發源於威甯州西南南流為可渡河至毛口河之西林渡入境北至小盤江有西泌河水流來注之西泌河發源於威甯州西東至

永甯西本境之東是為盤江有橋曰鐵索為入滇孔道兩山夾行一水中流不利操舟亦難架石故昔人為鐵索以渡之東南至洒味有麻沙

### 安南縣鄉土志

卷五

河水流來注之麻沙河水有二一由紫塘流來一由獨脚流來南至九盤江迤東至花江汎至貞豐州西南會南盤江入於粵達於南海

### 九道路

東路經省城入湖南以達京師 自東門出十五里哈馬塘十二里保甸塘五里半坡塘入永甯州境

南路經普安以達府 自南門出十五里五黃

塘十里凉水塘十里廖箕塘十里阿肩塘十里安姑塘三十五里高武塘入普安縣境

西路經都驛以達雲南 自西門出四十里馬  
場鋪二十五里大田鋪二十五里夏猛鋪十里  
阿都驛入郎岱廳境  
西南道為入滇舊路 自南門出二十五里為  
鳴鋪十五里熾茄鋪十五里江西坡與普安縣  
分界

第三編 鄉土格致

一物產

本境僻處一隅交通不便物產雖富然農工未

講故不發達茲將日用所需者分別錄之

天然產 虎在五里碑 豹黑城阿 羊有山 野羊 驘

猪有家猪三種 野猪 狐 猿 猴 蜂 蠶 魚

兔 馬 牛 鵝 鴨 鷄 以上動物類

稻 有黃粘白粘北風粘冷水粘糙粘毛穀紅毛穀 黑毛穀

早稻晚稻 黃糯米 糯米 紅糯米 矮脚糯 黍 糯 猪尿

麥 燕麥 大麥 三麥 小麥 荳稈 稗 一名荳 二有苦 蕎 甜 蕎 高粱

安南縣鄉土志

五

糯 有馬尾高粱 飯 高粱 麻 有園麻 火 豆 有黃豆 飯

白果 蠶豆 豌豆 冬豆 豌豆 黃泥豆 四季豆 紅泥豆 綠豆

豆 刀 菌 有雞踪菌 木耳 石耳 六種 草 菌 瓜 有黃瓜 南

地 瓜 冬瓜 絲瓜 苦瓜 土瓜 北瓜 西瓜 香瓜 葵 臺

馬鈴薯 山藥 紅菽 包穀 芝麻 棉花

藍靛 芋 荷花 樟 杉 松 栢 棗

杜仲 茶 桃 李 花 紅 楚皮 檜 梨

以上植物類

朱砂 水銀 銅 錘 錒 鐵 煤 硝

礪 石灰 以上鑛物類

製造產 布 蠶絲 鷄蛋麵 白紙 茶葉  
草紙 鐵器 砂鍋 麝香 牛黃 漆  
桐油 以上動植礦物類

二商務

輸出貨 洋烟 虎皮 豹皮 麝香 牛皮

猪鬃 米 茶

輸入貨 洋紗 川鹽 洋布 磁器 絲器

鐵器

附錄

安南縣鄉土志校字表

頁數	行數	字數	原	用今	用備	註
二	七	八	巳	己		
五	一	九	付	附		
五	七	八	付	附		
六	三	十一	站	站		
六	九	十五	站	站		
十	十五	六十九	寢苦枕甘 寢苦枕塊			
十三	十一	六	木	才		

安南縣鄉土志

附錄

十四	十九	十六	賬	賬		
十五	五	三	士	大		據周叙奏 南縣志改
十五	十三	三	戰	斬		
十五	十八	九	切	砌		
十六	三	二	痊	瘞		
二十三	十五	五	忠	患		
二十六	十二	二一三	普縣	普安縣		
二十九	十九	一	汪	王		據何天衢 南縣志改正
二十九	十九	六一七	學三	三學		據何天衢 南縣志改正